

النشيد الفقير

عن بابلو نيرودا



سمير عبد الباقي

النشيد الفقير

عن بابلو نيرودا

(الإنسان والاداة والطبيعة .. النار والماء والأرض ولحظة التكوين المستمر وديمومة التطور حيث
تمتزج العناصر ويحتدم الصراع من أجل الرغيف والزهرة .. والأغنية ...)

كورس (1): يا بحر احنا الغلابة مين احنا غير صيادين نهشت حياتنا الديابة والجوع مدار السنين
وجمعتنا العواصف وغربة الزنازين ..

الصوت الأول: يا بحر حامك علينا .. وكن موجك وهاود داخنا فقارى الموانى رحالة نرحل .. نعاود
نحلم بسمك الأمانى فى يوم حيملى بيوتنا ما نجوعش يا بحر تانى

كورس (2): يا أرض احنا الغلابة مين احنا غير فلاحين نهشت حياتنا الديابة والجوع مدار السنين
وجمعتنا الفصول والغربة فى الزنازين ...

الصوت الثانى: يا أرض حنى علينا واملى بخيرك ايدينا داخنا يا أرض فقارى ياما شفنا ياما وقاسينا
فى قلب طينك اسارى نحلم بقمح الأمانى لقمة ولادنا وقتها ما نجوعش يا أرضى تانى.

كورس (3): يا صلب احنا الغلابة مين احنا غير عمال مصت دمانا اديابة اجيال ورا أجيال جمعتنا
سخرة الورايدى والموتة ع السقال ...

الصوت الثالث : يا صلب اعطف علينا وبلاش تداور تلاوى يا صلب يا بو المهابة قول للمواتير
تطاوع داخنا يا صلب فقارى ما بين تروسها اسارى يا صلب يا خيال ملكنا سر المهارة نشق صدر
المحال

صوت (1): ساعدنا يا بحر البهور يا خضر .. ساعدنا نكشع غيوم الجوع وبؤس الناس ..

صوت (2): ساعدنا يا أرض يا خضرا خدى بايدينا ... ساعدنا نقتل صريخ الجوع وضعف الناس

صوت (3): ساعدنا يا صلب الحديد يا اسمر ساعدنا نطرد دخان الجوع وجهل الناس

كورس: جايبين عشان قدرتك تملانا بالقدرة اعطينا من خيرك الخفى اللى ماله حدود جايبين قلوبنا
عشم .. وما فيش لنا غيرك ..

صوت (3): يا صلب يا إنسان ..

صوت (2) : يا أرض يا أم الخير

صوت (1) : يا بحر .. يا حنان ..

كورس: جايبين محبة وخير وخبنا فيضان هادر مالهدش حدود وعضننا مفروود جايبين وصية ابهات
وجدود

(أصوات من البعد الأول)

: يا بحر يا حنان .. ناسيين أساطيل طويتها واغنيات بكيتها .. زناسيين مراكب فقيرة اخذتها وخفيتها
ناسيين ولادنا اللى جولك من قديم لا زمان توهاها يا بحر فى بحورك .. ولا رديتها ..

كورس: جايبين محبة وخير وخبنا فيضان هادر مالهدش حدود وعضننا مفروود جايبين وصية ابهات
وجدود

(أصوات من البعد الثانى)

يا أرض يا أم الخير ناسيين تراحيل طويلة ف شراقى الويل دفنتيها وبنات عذارى .. بكارى .. فى عز
العمر رميتها على الأسوار ونسيتها ناسيين صخور الملح والصوان ناسيين كرابيج هو أن السخرة
.. جمر النار .. وعيال دبحتها .. جوع .. يا أرض بلا رحمة ..

وعيال فى غيم المطر والنار هملتها ..

كورس: جايين محبة وخير وحبنا فيضان هادر مالهب حدود وحننا مفرد جايين وصية ابهات وجدود

(أصوات من البعد الثالث)

يا صلب يا إنسان .. ناسيين وراى بحالها طحنها سخرة ورجال عفية ف صحارى الفحم كلها الدود ناسيين غبار المعدن القتال وطعم الزبيق .. ناسيين بيوت الصفيح اللى انت طارحها عشب واحجار وعيال صغار جرحها حقد طاحونك الدوار ..

كورس: جايين وصية ابهات وجدود وحننا مفرد وحبنا فيضان هادر مالهب حدود ..

صوت (1): يا بحر يا حنان جايين وناسيين قساك وقلوبنا تنبض عشم وما فيش لنا غيرك ..

صوت (1): يا ريت يا بحر البحو تنسى كمان انت اوهام غرورك وعزة نفسك الكدابة يا بحر يا أبو الغلابة وتحن تعطف علينا مرة وحيدة وللأبد تعطينا سمكة صغيرة .. صغيرة لكل طفل صغير ..

كورس جايين وصية ابهات وجدود وحننا مفرد وحبنا فيضان .. هادر مالهب حدود

صوت (3): يا ارض يا أم الخير .. جايين وناسيين قساك. وقلوبنا تنبض عشم .. وما فيش لنا .. غيرك.

صوت (2): ياريتك انتى كمان .. يا أرضنا تنسى .. شحك وقلة عطاكى وكتر ما بتقسى وتحنى مرة علينا مرة وحيدة وللأبد تعطينا حفنة سنابل قمح يوماتى لكل طفل صغير

كورس: جايين وصية أبهات وجدود وحننا مفرد وحبنا فيضان هادر مالهب حدود

صوت (3): يا صلب يا إنسان . جايين وناسيين عنادك .. وقلوب تنبض عشم وما فيش لنا غيرك ..

كورس (3): ياريتك انت كما يا صلب يوم تنسى شرع الأذية وشهوة استبدادك . وتراعى عشق ولادك .. ولكل طفل يوماتى ع الصبحية تعطيه امل يرجع ابوه ضاحك من الوردية بالأغنيات .. والقلم .. يتهجي سر كتابك ..

(أصوات من البعد الأول)

وبعدها يا بحر هربد وعربد من الرياح وارمح وبعدها تقدر على قد ما حزننا معاك تفرح جميع فقارى الأرض حبيتك .. وشاكرينك وعلى جميع الشطوط فى الفجر حيچولك وحيفردوا الشبكة على صدرك وحيصلوا وف زرقتك يتغزلوا يتلو ..

كورس: ويحبوا على إيدك يا جد الكون ... ويقولوا يا أولاد اتانا جدنا اطلب من بعد طول العذاب والقهر والحرمان .. علشان يوزع علينا بالسماح .. اسماكه ..

(أصوات من البعد الثانى)

وبعدها اتزنى يا أرض على كيفك عيشى ربيحك . خريفك .. ضمى براريك غاباتك واحضنى ريفيك وعبى من عرق الرجال وارمحي يا أرضنا وأفرحى اتزنى واطرحى جميع فقارى الأرض حبيتك وشاكرينك .. وعلى جميع الجسور فى الفجر حيچولك وحيفردوا الحزن فوق صدرك وحيصلوا وف خضرتك يتغزلوا يتملوا

كورس: ويحبوا على إيدك يا أم الكون ويقولوا جتنا امنا الوهابه من بعد حزن الليالى الفاجرة والقلاية تدى الولاد الغلابة لكل واحد كفايته من حقان القمح ..

(أصوات من البعد الثالث)

وبعدها يا صلب يا إنسان .. مد المداخن تسبق المسافات خللى دخانها يطارد فى الغابات الطير خللى الحديد العنيد المفتري يطرح ويهز صمت البرارى القفر بالصفافير . ويجرح السماوات ..

اسكر بعرق الرجال الشغالين وافرح جميع فقارى الأرض حبينك وشاكرينك .. وعلى جميع السكك يا صلب حيچولك على بواباتك يدقوا بزندهم تفتح ..

وحيفردوا حزنهم للشمس ويصلوا وف ملمسك يتغزلوا يتملوا

كورس: ويحبوا على ايدك يا ولد الناس ويقولوا جانا اخونا مالى ايديه من بعد صهد الغضب جاي والحنان فى عينيه يعطى ولادنا فى الصباح العاطر لكل طفل ابتسامه .. ومريلة وكراس ..

صوت (3): لكن إذا ما كنت حتعاند

صوت (1): اياك يا بحر اياك...

صوت (2): اياك يا ارض اياك

صوت (3): اياك يا صلب اياك ..

كورس: لو كنت مش حتهاود وتظل تحدف وتملى بيوتنا بالنفايات وبالأشواك ...

صوت (1): اياك يا بحر اياك لايد ما حنعاود ..

كورس: نركب ضهور العاصفة ونجيك ويا برح يا ويلك لما حنفتل عروقنا حبال تروض خيلك وبالحديد والنار نشل ايديك ونغوص فى قلبك واحنا بنغنى لكل ننزع بقوة من جناين جوفك اللولى واللقمة ونرعب خوفك ونجمع الأسماك اللى وعدنا الطفل بها يوماتى لما يوافينا صبحنا الآتى مع دورة الأفلاك ...

صوت (2): اياك يا ارض اياك لايد حنعاود ..

كورس: نركب رياح المواسم تانى ونجيك وساعتها يا ويلك بكفوف إيدنا سوا نروض شرود خيلك وبالحديد والنار حنشق حيضانك ونغوص فى طينة غيطانك واحنا بنغنى اصعب مواويلك لجلن ما ننزع منك اللقمة ورغيف القمح ونص لتر اللبن والسنبلة الذهبية اللى وعدنا الطفل بيها يوماتى ..

صوت (3): اياك يا صلب اياك لايد ما حنعاود

كورس: وانت عارفناكفوننا ما العدو خالقك لولانا ما كان دخانك صلى فى سماواك ولا كنت رب المدن ولا حد كان سماك لا يمها يا صلب داخنا لا بد حنعاود فكسر حدود الزمن يا صلب ونجيك ويجلدنا المهرى فى شحم المكن والزيت حنهد حيلك .ز نفك عنك حصار الجوع نشل إيديك ونخوض بحار المعدن المصهور نغنى لك ... أصعب مواويلك .. لجلن ما ننزع من كفوف الموت ضل الأمان .. والقوت . ولعبة الأطفال اللى وعدنا الطفل بيها يوماتى لما يوافينا صبحنا الآتى مع دورة الأفلاك ..

صوت (1): بس انت صبرك علينا فيه لينا تار بحر مع أعادينا

صوت (2): فيه لينا تار يا أرض مع أعادينا .. اللى يمصوا دمنا ودماك ..

صوت (3): وببسلبوك يا صلب عز قواك ..

صوت (2): وببحرموك يا ارض عز قواك ومغربينا معاك ..

صوت (1): وببسرقوقك يا بحر يا سماك صبرك يا بحر يا حنان ..

صوت (2) يا أرض يا أم الخير ..

صوت (3): صبرك علينا يا صلب يا إنسان .. البندقية الوقتى شاغلة ايدينا .. صابرة المطارق علينا ..

صوت (2): صابرة المحاريت علينا

صوت (1): صابرة علينا الشباك ..

كورس: وما هى إلا دورة الإفلاك أول ما نهى أمور الحرب مع أعادينا حنبت فى أمور السلام وياك ..

ويا بحر ما احناش غلاية مع أننا صيادين .. وفلاحين شغالين نهشت حياتنا الديابة .. يا صلب طول
السنين وجمعنا العواصف والغربة في الزنازين .. وندھنا هوج العواطف ابدین تساعد ابدین ...
نحفر سوي الخنادق .. ونشيل سوي البنادق علشان في حرية نقدر نغزل سوي الشبك ونكتف
الأعاصير ونجهز المحاريت يا أرض يا أم الخير .. وبالمحبة نسخر برق الرعود والعناصر .. علشان
ولادنا تلاقى سمك الأمانى .. يوماتى والسنبلة الذهبية لما نفجر صبحنا الآتى .. بالعدل .. والحرية ..

الجزء الأول

"انهم منتصبون وسط البارود انه منتصبون في حقول القمح"

(الأبعاد الثلاثة تتحول وتمتزج في بعد واحد متعدد الأصوات)

المغنى: بابلونيرودا

: كانت كلماتك رجاله خلقتنى وخليتني اغنى معاك الفرحة سنين .. وسنين .. وانفس اسمك وشم ف
قلبي .. وارسم صورتك فوق منديلى واتدفى بشعرك في الزنازين واشرق بالدمع .. وبالأشعار واحس
بطعم الدم ف حلقى حين اتذكر شيلي ..

(بيوت مهدمة وعيونمقهورة واقدام عسكر وكتب محترقة..)

المغنى: بابلونيرودا .. ريح الخيانة طفت للشعب قنديله والكل راضى بعذابه راضى بقليله ..

المغنى: وانا ح انعى مين النهاردة... واشكى حزنى لمين؟.. ومين على صدره بعدك ابكى واحكى له؟

(أصوات جيتارات في المدى البعيد ومحاريت فقيرة تستيقظ في عمق الأرض ..)

لكن البيوت الفقيرة نفس البيوت الطين.والناس في ليل الأسى بيخضروا البساتين.. يزهر الجرح مثل
التوت في برمودة .. يفكر الفلاحين في الموسم النيلى ...

المغنى: فكرنى يا صاحبى ..

(تظهر صورة فيكتور هارا..)

الشعب له في المواسم له في البدار والحصيدة علمنى يا صاحبى ..

المغنى : الشعب له عوده كلمنى يا صاحبى

المغنى: بابلونيرودا .. بابلونيرودا ...

(يخضر صوت الشاعر وتتجسد صورته كوالد قديم)

ايه معنى انك تكون الشعر والشاعر ... أن لم تكون انت أبو ولادك وابن ابوك .. ! ولا معنى انك
توافق صحبة الشعرا .. أن لم يكون نبض قلبك حلم م الماضى .. وذكرى ازلية ترحل في عروق بكره
.. ولا معنى أنك تغنى الشعر يا شاعى أن لم تكون انت معنى وجدودك انتظروك ..

المغنى مين انت يا شاعر؟! أنا ابن ناس من صخور الأرض معدنها صبحوا ظلال الشجر والغابة
والطحلب ولمعة الثلج صاروا .. وسلسل الميه .. وصلابة الشوك .. وشهد الحب .. ومراره ..
وشهوة البذرة في البرية وحنينها لزهرة النار تفجر بالحياة طينها .. وتهز صباره يرمى النخيل تمره
يحلا قلب جماره ويخلف الشعب أشعاره .. وثواره ولا معنى انك تغنى الشعر يا شاعر .. أن لم تكون
انت معنى وجدودك انتظروك ..

المغنى: بابلونيرودا

(يمتزج الشاعر بالآخرين ويتكلم بلسان الجميع)

ماكائش فوق رأس جدودي خوذة ريش ونحاس .. ولا كانوا بيناموا فوق عرش الحرير والورد ولا كانوا حجاب على أبواب لها حراس .. بيخنفوا باليكا حتى ابتسامة الوعد ويعجنوا التبر للكهنة بدم الناس تعلا المعابد قبور حجرية الإحساس تزهى بزيف المجد ..

المغنى: مين انت يا شاعر !!؟ جدودي شغيلة ومن رحم الزمان الأزلى يتولدوا وف غيم وعود الزمان الأبدى منتظرين جدودي شجرة وصخرة ..

المغنى : جدودي نبض الطين .. بيوهب الأرض قدرتها على الخضرة ويعطى للعالم قدرتها على الإكثار والحلم بالمستقبل جدودي مش وهم لكن سنبله ومنجل يشرف شقا العمر .. وبيطرح عرق وعجين ..

(لحظة الميلاد تنبثق من رحم الأسطورة القديمة)

الجد الأول كان الشجرة الحمر اللى بتعلم بوعود البرق .. وبتكبر مع ضحكات الأطفال .. والجد الثانى؟؟ كان جدى الثانى عروق الصلب نالخام .. النائم غافى ومتخفى وبيحلم متشوق يسمح بدقة خطوات العمال والجد الثالث؟؟ الثالث هبة ريح الشرق اللى بترحل بقلوع الصيادين الفقرا جنوب وشمال والرابع هلب البحاره حبال العتال والخامس متقاب الحجارة والسادس منشار النجارين لحن الموالمال والجد السابع؟؟ السابع؟ كان سيف الفرسان الرعيان الشارب دم الطاغى العاتى فى ليل الغزو.. وعصر الأهوال ..

المغنى: من صلبه نفضى خلقتى .. سمانى باسمى تحت الشجرة الأروكانية الحمرا ساعة ما قطعنا رقبة (فالديفيا) المختال وكسرنا بدمه اللى ف لون الرمان .. وبكل خشوع .. قدمنا قلبه قربان لجدور الطين .. هاجت بالشهوة الربانية الريح نبضت بالفرحة عروق الأطفال وف بطن الأرض اللى بتشهب بالروح البشرية اتولدت شيلى الأزلية الابدية لبلابة فوق بوابة العالم واخضرت فيها غنيوة الشمس الدم .. الحرية والإنسان وف رعد طلق الميلاد تمت شريعة الأرض .. جدودي كانوا المكان .. والاحتمال .. والوعد اللى خلقتى وروى بالدم مواويلى جدودي نبض الزمان .. شبق الرياح والرعد .. هوج العواصف بتنعس ع الشطوط .. شيلىشيلى

(تهبط شيلى من غيم الاسطورة إلى وضوح الحقيقة .. بشرا واغنية..)

المغنى: شيلى شيلى

المغنى: باكتب أنا لأرض ما جفت ندى ولا دم باكتب لأرض ف جنوب لأرض بكريه ندرية بالزهر لسه ف أول الأزمان .. باكتب لصخر الشطوط ولزهرة البراكين لجبال عفية خفية متبته فى الطين لبيوت فقيرة بتصوى بأبسط الأحلام يا كتب لوديان بلا عد مرعى للنهار والليل لسهول بلا حد مجهولة بلا أسماء بيرعشها صهيل الخيل .. وشهوة البعث فى نبض الرعود والبرق با كتب أنا لأرض لسه فى المخاض والطلق توج فيها الحياة .. فى الصخر فى الضل فى الماء العجوز فى الطين .. تعلم الإنسان .. يشهد يشاهد بعين الطفل والشاعر ما بين البدء والآخر فى كل لحظة ببدا من جديد الخلق .. وف كل لحظة بتشقه آهة التكوين ...

(الشاعر برعم إنسان يتفتح فى الغابة)

المغنى: وعب واشرت يا شاعر خضرة النباتات وعب واشرب وسافر واعشق المسافات فى صهد شمس المراعى وف هدير الماء وارحل وهاجر فى الألف والباء .. ورطوبة الغابات فى غربه الأغنيات فى طفولة الأيام .. وعب واشرب وسافر صاحب المسافات واسكر بخمر الألم والحب والفرقة اسكر بليل الفراق والوجد والأحزان ..وعب واشرب يا شاعر من اشتعال الوتر فى وحشة الأحرار من ابتهاج البرارى للمطر والغيم من العرق والدخان والثلج والمجهول من الفة العشة للاسطورة والبركان صاحب حديث العجايز امهات الليل وعب واشرب يا شاعر من هدوء لآحواش صاحب شقا الإنسان .. اشرب يا شاعر وواصل رحلة الأجداد

المغنى: قال الولد للتراب اعطينى قلب وصوت قال الوطن للولد خطى خطى حدود الموت وغنى شوق للحياة فى الجوع تلاقينى قوت ومنين ما ترحل تشوفنى .. فى الغربة حضنى بيوت ..

(رحلة الصبا وسط العرق والآلات وخيال الولد المثقل بهوم الواقع الغارق فى الدخان والشعر وموسيقى البؤس والمطر)

ومن محطة لمحطة شالتنى ايامى فوق الخطوط الحديد ما بين قمم وكهوف وقصور فقيرة من الخشب
الطرى الفواح وبيوت وحدة ما تعرفشى ارتعاش الخوف صديقة للطير الغريب .. للوحش ومعطرة
الساحة باللبن الخمير والفحم ونسيم عفى ورياح تعشق دريس البرارى وزهرة التفاح .. تحضن
صبايا النخيل .. جسدى الهزيل يرتاح .. تسرى فى دمي الغابات والبحر والوديان .. وجبال ما شمتش
لسه ريحة الإنسان ...المغنى بابلونيرودا

صوتك على موج البحور لقلوبنا سارى زى ابتسامة الطفل فى القلب اليسارى

صفارة القطر تنده أبويا .. تندهنى .. يا هلترى يابا فين راح تاخذك الصفاير باحب ريحة البحر حين
يدخل معاك البيت واعشق تراب الفحم فوق اكتافك . وريحة الدخان وطعم الزيت كل القطورة ركبتها
فى كفوفك .. كل الموانى زرتها فى عينيك كل الفصول السنين كل الرجال السواقين والدريسة
الحطابين النشارين والحجارين فى ايديك وعلى لسانك سمعت جميع غناوى الناس.

المغنى: صوتك على موج البحور لقلوبنا سارى زى ابتسامة الطفل فى القلب اليسارى وويا صوتك
فى قلبى الصفارات والرياح وأهة الالم اللى ما تتحد

المغنى: ورعشة الفلاحات م الفقر والتباريح والجوع ما يرحمش حد

المغنى: ويجعلك يابا تشفى العمر وتهاتى .. كما جميع الرجال الشقيانين أبهاتى كما جميع الولاد
الفقرا .. والمجاريح ..

(وما بين لحظات الراحة وساعات العمل .. يجدد الشاعر والشقى معا عهد الاستمرار ...)

كورس: غنى وسمعنا للأصل رجعنا يا صاحب الموال غنى وجمعنا ..

المغنى: ع اللقمة كان دوار فى الدار وفى الأسفار يا يعود بقبض الريح يا يغيب يجوعنا

داننهر عنكم قال .. يا ما حكايا طوال يا صابحى كيف الحال.. جرحك بيوجعنا

المغنى شيلنا هموم الطين زرعنا فى الشطين الصبر خيل راكبين والصبح مطلعنا ..

الكورس: نسبق هبوب الريح ونصاحب المجاريح الشعر مش تراويح دالدم له معنى سمعنا عيني
ياليل سفر النهار والليل خدنا لدروب الليل خفف مواجعنا ..

المغنى: ولا حد شافنى وانا ع الشط طفل صغير يجرى ف يراح الغابات والشمس والأساطير اقاسم
الطير رغبة وأشاركه فى الأعشاش وأنام على صدر طيب زى امى فقير ...

ورق الشجر يا ما قال له والحطب والناس عن سيف جدوده اللى بينبت بارود ورمصاص ودموع رجال
دمهم خلق المكن والفاس عن موجة النهر حين يرحل حزين للبحر مهموم بدم الفقارى ف سترة
الحراس ..

المغنى: وياما ليه حكى لى الصخر والأشجار .. عن الولاد اليتامى فى بيوت تاكلها النار عن جوع
غيطان الفقارى فى موسم الأمطار عن امهاتنا السبايا بيحلموا بالدار وعن اللى هاجروا ورحلوا للجبل
ثوار عن دم فوق المكاتب ودم فى الاشعار وعن شعوب بالخناجر بتموت وبالأسرار وشعوب تموت
بالإهانة فى بطون تجار ...!!

(يتجسد الموقف من أوهام الحلم وتتشرق شمس الرؤية من غيم الفكرة)

ويوم تبقى شاعر وتفهم .. إن الحياة والبشر أروع من الأشعار وان الكلام والفن والمزيكة ما خضروا
أشجار .. حين تبقى شاعر وتقدر وانت اللى ممتد مثل البحر والصحرا وانت اللى مثل الجبل والشمس
والأنهار غنى بهدير الحياة فى ساحة الشعرا . حين تبقى شاعر وتقدر وانت كبير الأكابر ملهم
الأشعار صوتك فى كل الحناجر قلبك مراية المشاعر ... قلمك دليل السافر عاشق المسافات حين تبقى
شاعر وتقدر ... وانت المغنى الوحيد .. الفرد .. والمفرد .. تلم كافة عطايا الشعر فى كفك طوية من
الطين .. تعلق بها عتب وجدار حين تبقى شاعر وتقبل .. توهب قسايدك .. حياتك .. مقتلك ..
موهبتك .. لعجوز من الشعب امى وتكشف الأسرار ويكل نبل وبساطة .. تصبح نفر ... فرد .. فى
مجموعة مجهولة من الثوار ..

المغنى: لا اسم لا ابهة ولا عيشة مرتاحة ولا شهوة للمغنة ولا توهه ولا راحة فى الشعر لازم
حتبقى .. المغنى وفى الحياة تبقى ابقى بالشعر لابد تبقى.

المغنى: وبالبشر تبقى ابقى وف كل مفرق وملقى حتلاقى اجوع .. وأشقى تلاقى اجهل وأفقر لكنه
افصح وارقى وصحيح حتفضل أقل لكن حتفضل بالاكيد أفضل ..

المغنى: لك الزمان والمكان تظل شاعر وقادر .. انك تعيش إنسان .. !

الجزء الثانى:

"وفى يوم نابض بالأحلام الإنسانية اقبل إلى جواد برى لاضم خطاى الدنيبة إلى خطى الانسان"

تاخذك خطاوى الأمل للندى عرض وطول تتفتح لك أبواب الدور والليل المكروش الأنفاس يكشف لك
سره المجهول تتفتح لك كل قلوب الناس .. تحميك تخفيك .. تعمى عنك طوابير العسكر وعيون
الحراس.

المغنى: لك الزمان والمكان.. وتظل شاعر وقادر انك تعيش إنسان تتفجر أشواق الأرض لصوتك
يتفجر قلبك أحزان لما تصاحب رحلات تراحيل الفقرا فى كل مكان .. الشغيلة زنوج الغابة .. وهنود
الريف الرعيان والحدادين الخفارين نجارين طنابير الميه فى كافة عزب الأوطان.

المغنى: كرهت جوع الفقارى وذلة الإنسان .. لحم البشر فوق لارصفة عريان أكوام من البؤس تتكوم
على أكوام من البؤس تتكوم على أكوام الفرش شوك ... والغطا آهات الم ودموع شفت الشوارع
بتطرح فى المداين جوع ... وغيطان خصيبة بترمى فى المواسم جوع وعزب كفور بؤس تتعرض
بضل الجوع ودموع ودم العيال .. فوق كل ساحل بتسفحها خطى التجار والعسكر...

كورس: تماثيل ومجد ورايات كهان ديانات خفية ونجوم بتضوى ف ساحات شاربه دماء الضحية
والأرض بؤس وموات وحشية لا إنسانية بيوت دعاة وبارات بتغنى للحرية ..

ومبانى حكم ومجالس شعب منتخبة من الحاكمين .. تقتن القوانين تحدف مراكب على كل الموانى
طاعون تجلب معاها المرض والموت وبذر الفقر .. وتعود وترحل بلولى البحر والبتروى تضوى
منازل أوروبا وتناطح العمارات فى امريكا الشمالية عروش الرب وهنا وهناك.. على جميع الشطوط
الصفرا والسودا وخليطة اللون .. فى كل يوم بعد يوم .. تعلا معابد حديد الصلب والافيون .. ويرتل
الكهان ويؤلف الكتبة أرباب الصحف والشعر .. ويقدموا البرهان .. يجمع لغات الرب والأديان صلا
وتسابيح .. لإله كئيب الوجه وحشى الملامح له فى السياسة بيتكلم بألف لسان .. يملك جميع الخزائن
فى بنوك الأرض يقيدوا له نار المحارق يجلد دابغه الشقا ومنشفاه الريح ويقدموا له ف إيمان .. لحم
البشر .. قربان ...

المغنى: وبتسألونى ففين غناوى الحب اللى وعدت الحلوة بيها زمان طب يعمل إيه شاعر جريح القلب
فوق سن قلمه مزهر عشق للإنسان.

كورس: لو تبقى شاعر وتسقى بالعرق غيطك وتحس كيف الأغانى تساعد الشقيان أو تبقى شاعر
تحس الدنيا دى بيتك ولك صحاب ياما من كافة جميع ألوان أو تبقى شاعر وتوهب للشعوب صوتك
وتحس فى نبض وطنك كافة الأوطان أو تبقى شاعر وتصبح ثورتك فوتك ولك رفاقه وشهدا على
امتداد المكان أو تبقى شاعر وتختار كيف يكون موتك حيثنه شعرك منارة فى كافة الأزمان ...

واخترت من بدرى ما ساومت ما تأخرت ولا فى غيام السكك شوق للأمان اخترت جهزة بأقلامى غيط
الفلاحين للحرى ورسفت ويا الحجارين الصخر والاسفلت .. غنت قسايدى جموع الشغالين فى
القصر شيلى بتفتح بقوة بوابات العصر ...

حلمت أشوف الوطن كيف يا فقير قدرت

المغنى: ورجعت لك تانى من تانى يا بلدنا ياما كنت شايلى فوق لسانى أغانى وفوق رموشى أمانى
وحلم كله معانى .. ورجعت لك من تانى من تانى يا بلدنا .. لا عنيه عينى ولا لسانى بقى لسانى ..
عيونى تنزف دما على طفل أسبانى ولسانى يصرخ وحزنى يهز وجدانى ... كل البلاد فى بلدنا .. !

كان الرجال الفلاحين راجعين يوم الحصيدة بالكفوف خاليين وحجارين الطرق والعتالين خافين
والسود كما دود بيحبى فى جحور الطين والارض حفرا وجفرا... حلق المناجم ببيلع فى رجال مرضى
بيسكروا للدى وبيشقوا حتى الفجر شفت الهنود ميتين وبيرقصوا فى المحارق والنجارين فى ساحة

الأعدام بيجهزوا فى المشانق .. والصيادين غرقانين فى بحر م الأكاذيب والحدادين مصلوبين فى نار
اتون الفقر والكل كانوا عساكر ييموتوا بالغدر صحبه دفاع عن الأوطان عن روعة الجمهورية ..
وعزة السلطان .. وسط الرايات الحرير ومواكب الصلبان ... لجلن ما تضوى أميركا بشعلة الحرية ..
ويهتف الخلق من كافة بلاد الناس.. يسفوا نعل الوطا لكن بكل حماس .. ويرتلوا الأناشيد البنجاجون
ربنا .. منه وليه الأمر !.

ويضيعوا صحبه فى بحار الخمر والأوهام...

كورس: نسوان ملو النوادى وعيال ملو الرصيف دستورك يا بلادى ما دمت أنا الضعيف بدمى اغسل
ذنوبى وعارك المخيف مكتوب اشق قلبى وافرقه رغيغ.

(يتجسد الليندى صوتا وصورة تجسيدا للحلم المبتور .. طائر بلا أجنحة)

لكل واحد عمل ولكل كلمة وظيفة ولكل طفلة كتاب ولكل شابة امل وقلم فى ايد كل شاب ولكل أم
حقوق فى بيت ولقمة شريفة شيلى بترجع شباب تحلم بشمس النصر.

المغنى: وهات ايدك قوم واطع معايا من البؤس إلى مقسوم للعبيد من الفقر الأليم قوم مسد ايدك
وشوف الشمس طالعة من بعيد خلاص مش راح تعود تانى لفيديك ولا حتجف روحك فى الحديد
وحتموت قهرتك وأيام عذابك ويخضرف خطاك وطنى الجديد.

(يموج الشارع الفقير بالحلم .. وترعد بروق الثورة المنتظرة .. الشعب يهتف ويعرق وشيلى فوق
أيدى الشغيلة زهرة حمراء تعصف بها الريح)

المغنى: بلدى الفقيرة فى ساعة تتشمس تأخذ على صدرها الشغيلة .. يرتاحوا تشاركهم اللقمة حاف
.. بالحلم بتغمس بتبسم المحزون .. ويشوف بعين الأمل صبحية افراحه وف ساعة الشغل بلدى
بتخلق الأحلام .. وفوق شطوط المحيط وسط النجوم بتنام على جبينها تيجان الثلج والأساطير .. وبين
نهدها يطير ويحط طير الرعد وتحت رجليها تتمد الطريق ... بالوعد .. وعلى رموشها يموت الامس
... وجراحه .. وطنى بتعرق تراحيلة شجر وزتون .. وطنى بيطرح نخيلة كفوف صناعية وطنى
بتحلب غيطانه شهدا ومداخن وطنى .. بتحبل نساها .. شغيلة ومدارس...

ويوماتى وطنى يهل .. ساعة يحل .. مساه .. يحضر ووياه .. معاناة الشتا والصيف ..

المغنى: يرقق الليل أغانى فى المدن والريف يقعد ويفرد مناديل الطعام والحب ويقاسم الفقراء حصة
بكره .. نص رغيغ ... وقصيدة من تبر .. لولى .. وتوب فواعليه .. ويا المواسم تزه بلدى بالقدرة
.. الأرض تحبل بعيش القمح والينسون.. والبحر يفرد مداين قلبه للشعرا .. ينشد نشيد الجبل يهدم
حدود وسجون . الغابة تفرد ترانيم الأمل خضره شيلى .. بتبنى اشتراكية بقانون الغرب .. كون يا امل
... فيكون !!!

(تتجمع خيوط المؤامرة .. أذرع الأخطبوط شيئا فشيئا ويزحف طوفان الأقدام الخرساء يهرس الزهرة
ويقتل الضحكات)

المغنى: وينسى البعض أن الشعب قادر ولكن الظلام فى الغرب أقدر بكيت الأندلس فوق قبر شاعر نده
لك يا شقيق الروح تذكر .. تقيد الشمس فى الصباح البيادر ولما تغيب يصير الكذب أمكر فلا تآمن
لكابات العساكر إذا ما كرهوا صوت الشعب يكبر ولا تآمن لكاهن أصله تاجر بكاسات من ندور الدم
يسكر ولا تضعف دا جوع الحكم كافر إذا ما فكر الدولار ودبر يبيع الأب ابنه عبد فاجر ويشنق اخوه
ما دام القصر يعمر وتعل الضحكة فوق شفة أميركا ساعة ما يشق قلبك .. حد خنجر . !!

(تنفجر المؤامرة .. ويزحف ظلام الانقلاب الاعتقالات ... الدم حرانق الكتب والموت)

اغنية عاطفية لإثارة احزان المتفرج !!

(شيل فتاة الشاعر الحزينة منتهكة الساحة .. محلولة الضفائر .. بعد أن قطعوا يدي حبيبها وقتلوا
فتاها)

غناء : آه آه يا وشها القمر ياعودها خرزان .. يا قلبها الأمير يا شعرها الحصان ... م
الشغل تروح تقابل حبيبها ع الرصيف تشيل عنه المشاغل وتقاسمه فى الرغيغ ويوماتى يروحوا
صحبه ... وصحبه يروحوا فقرا غناى محبة .. بالشعر بيفرحوا ..

حرقوا .. كتب حبيبها قطعوا لسان حبيبها قتلوا أشعار حبيبها سال دمه فى المطر آه.... ويا عيني ع القمر .. يا قلبى ع الحصان وحدانى فى السفر فى رحلة الزمان الخوف على الرصيف صار للغرام بديل وتنام عين الصبية تحلم تلقى الدليل .

لا .. الليل حيثه ليل ولا النهار نها .. لكن الطريق طويل وباطول الانتظار فى وحشة الرصيف ..!

الجزء الثالث

"لقد أتيت لانطلق بكم الميت ... فوجدوا عبر الأرض، الجمع الشتيت جمع الشفاه الصامته .. هلموا إلى عروقي وفمي .. انطلقوا بأقوالى ودمى ..!"

المغنى: بابلونيردوا أنا كنت مرة .. أنا اكنت مرة وعشت فى برلين .. أنا كنت فى مدريد فى روما فى أثينا.. أنا كنت مرة وعشت فى طهران أنا كنت فى لشبونة ..

المغنى : أنا كنت مرة وعشت فى سنتياجو.. وسط الكنايس والشجر والورد كان بيتى اسمه منزل الأزهار وعمر بابه .. ما اتقفل على حد فاكر يا الليندى .. فاكر .. يا راؤول فاكر يا فديكو ..

أنا لسه فاكر شبابيكه فاكر حوشه والشرفه يوم اختنق زهر للكلام والشعر فى شفايفك فى يونيه كنا والا فى سبتمبر بعينى وقلبى شايك .. قايم من القبر تستقبل فى شوق لآخوات .. وكأنا ف صبحية أعيادنا .. وميعادنا ويا النبى والشعر والأصحاب ..

المغنى: كان بيتى اسمه منزل الأزهار وعمر بابه .. ما اتقفل على حد .. كان بيتى اسمه منزل الأزهار كان فيه كلاب بتلاعب الأولاد؟

كلاب كأي كلاب ؟ يتنططوا ع السور وع الأبواب .. ويهوها فرحانين ساعين يهل أصحاب وولاد كأي ولاد؟ بيفرحوا لما يهل العيد ويجروا ويزعقوا لو يسمعوا المزىكة والزغاريد وكانوا حين يتخانقوا؟.. بيجولى احكم ما بينهم يرجعوا اخوات .

ولما كانوا يفرحوا ؟ يحكولى .. ولما كانوا يزعلوا يشكولى ويطلبونى ف أى وقت وميعاد .. احكى لهم الحكايات ...

المغنى : كان بيتى اسمه منزل الأزهار وعمر بابه.. ما اتقفل على حد .. وفى يوم مع الصبح قادت فى الجميع النار . فى الشرفه . فى الشبايك فى زهرة الراهب ..

المغنى: فى الكراسيات فى الكتب فى الناس. وفى الأشعار شرع البارود والرصاص شرع البرابرة قتالين الشعرا والأطفال خدام مقام الرأس مال الرب.. فىن ما تولوا وجهكم للغرب من كفكم تتفجر الأهوال ...

المغنى: وسال فى كل الشوارع .. ع الصبح دم العيال ... سلسال وسال ببساطة وكانه دم العيال.... وبتسألون فىن غناوى الحب اللى وعدت الحلوة بيها زمان .. طب يعمل إيه شاعر مغنى وأب .. سال دم أطفاله على الرصفان .. كان بيتى اسمه منزل الأزهار وجم الكلاب اللى تكره ضحكه الأطفال وحشية فى توب جنرالات مسعورة داست الكلاب والولاد.. والشرفه والحكايات .. ودهست اللبن الحليب والشعر .. وهرست البندورة والأفكار .. رقصت على الدم نشوانه ومنصوره .. فرحانة سجننت حروف الشعر .. والثوار...

(المنزل على شاطئ المحيط .. وكلمات التحية الأخيرة للشاعر المسيحى وسط مكتبته المحطمة)

المغنى: وبتسألونى فىن غناوى الحب .. اللى وعدت الحلوة بيها زمان . طب يعمل إيه شاعر مغنى وأب .. كانت فى أحلام بلاده كافة الأوطان ..!

(الأصوات المتعددة فى البد الواحد تعود مرة أخرى إلى التشكيل الأول ذى الأبعاد الثلاثة)

باحب بلدى ينتياجو ف شيلى وباعشق الحى القديم فى اثينا .. واحب اتخيل فى ليل القدس طعم المدينة القديمة واحلم بشارع بواكى فى جنوب طهران على الشمال منه دهليز رطب فيه رونيو واتمنى اشوف السوق فى جاكرتا ز. حين يصبحوا الصبح يوماتى يلقوا المنشورات ع الحيطان واتمنى أجيب من يافا صورة العدرا ومن فينيسيا اشترى بيكاسو ..

واقعد على القهوة فى باريس .. واتصور وناقش الطلبة ف شنون الكون وارجع لمدريد اغنى غنوة
الأنصار واسمع لكونشرتو الكمان فى فيينا واكل فى دلهى الكارى .. والآناس .. واتمشى فى
الخرطوم فى ليل قمرى وباصبيه .. سهريه العود.. تحكى لى عن محبوب ..

واسهر لحد الصبح فى الأزهر .. واركب خيول الرياح فى الغرب من كلورادو واتوه فى أفريقيا فى
قرى مجهولة طبول زوجهها داقت الحرية واطلع جبل فى بوليفيا طلعة جيفارا كان ياما نفسى ياما كان
نفسى حاجات كتير .. رحلات كتير .. اشعار لكن أنا ممنوع من التجوال ... على كل بوابة جنرال
بالحديد والنار يمنع خروج الشعرا وببشنق الأشعار...

المغنى: وف كل أرض قتيل وكل مدينة كان صاحبي يا إما راقد فى حفرة يا إما فى السجن أو فى
المنفى بيستنى فراش النار .. ودى حقيقة السبب فى إنى ما قدرتش اشاركو طبق الرز والحرية فى
فيتنام ولا اغنى اغانى لوركا فى لشبونة ..

ولا اهدى موال محبة .. لطفل وادى النيل ... موسم حصادنا السنة دى .. كان يخيل وعويل .. وسنتنا
كانت مريره .. وأمر منها حقيقة انى صرت قتيل ..!

المغنى: بابلونيرودا .. افجر لسه بعيد بعيد .. اسبانيا فى ايدين العبيد وإيران اسيرة فى الحديد
واندونيسيا الأم فى الغابات حزينة....

(يشرق وجه الشهيد ويقوم ممتلنا بشهوة إعادة الاكتشاف وإعادة التكوين...)

وعشان كده ... مش ح استقبل .. وف لحظة الرؤية الأخيرة باعلن بانى دفاع عن الوطن الجريح
واقف اموت .. رافع فى أيدى مدفعى وسيفى الضعيف .. يمكن مع النفس الأخير اقدر بموتى ودمى
اقيد نجمة ف سما ليلنا الطويل ... توعد عيالك تانى يا وطنى الفقير .. بالحلم بكره يدق متحفى على
أبواب البيوت ..!!

المغنى: يا نص لتر من اللبن ع الصبح للطفل الفقير يا نص غنيوه ورغيف يا نص شير من الوطن ..
يا نص بيت .. يا نص كلمة حب لجل الأمهات الشقيات .. الحلم مات .. الليندى مات .. فيرودا مات ..
..

تصفر اكاليل الخيانة فوق رؤوس الجنرالات الموت بيزحف فى الحارات .. يحرش غناوى الشغالين
يقطع ايدين الفنانين يقتل غناوى الأمهات..

المغنى: الليندى مات .. والمسئولين ... لسو حرير القفازات عقدوا رباط البيونات.. واتبادلوا نحب
المقتولين ...

المغنى: الدم طافح فى الكاسات.. الدم قاطع فى العجين بيلالى جمره ع الكابات .. يصفر عار فوق
الجبين الليندى مات .. مين بعده مين .. مين بعده مين ؟!!

(على قدر حزن لحظة الصلب تكون صحوة القيامة)

لكنى يا اصحابى باموت . مؤمن بأرضى وشعبها مؤمن بطلعة فجرها الحر الصديق .. يمكن تكن
الخطوة تاهت فى الطريق يمكن يكون عز الرفيق وسط الخطر .. لكنى فى اللحظة الأخيرة .. عرفت
فين كان الخطأ .. بالنسبة ليه الوقت فات لكنى مؤمن باللى جاى كما كنت مؤمن باللى فات.. وباشوف
على رموشى اللى بتحضن على حزن الحارات تخضر ملايين الرايات ..

وبتعلا وترفر على طنى الحزين .. ونا كتار .. ناس غيرنا ياما .. ناس كتير ... عشرات ألوف
الملايين من كل مينا .. كل مصنع ... كل دار بيزققوا طيرا الأسير.. بيطيروه تانى ف صباح وطنى
الكبير .. ويفجروا تانى ف صباح وطنى الكبير .. ويفجروا الليل العسير .. الكرب .. يتولد النهار !!

(أصوات الأبعاد الثلاثة الأولى .. حيث تعود الوحدة الأبدية بين العناصر.. النار والماء والأرض ..
وتتجدد لحظة التكوين المستمرة .. وصراع الحياة نحو إعادة التكوين)

المغنى: وتعالوا يالى انتو ضحكة شعبنا الجاية .. حطوا ايديكو ف ايديه .. يا مخضرين البرارى
بكفكوا الراجف يا مونسين المراعى يا دفا البرية .. واشرف ما فيكو بينقل خطوته خايف يا نساجين
غزالين القطن والكتان واعز ولادكو... راحل فى الزمن عريان يا خزافين الأوانى يا حادادين لأفران يا
حمالين الموانى .. يا شرابين الهوان ز.

خطو ايديكو ف ايديه جمعوا الآلام.. "دا دم والا عصير الحزن والأيام !!؟"

صوت (1): عروا جسدكوا الممزع بالحبال والسوط

صوت (2): قوموا اكشفوا جلدكو المدبوغ بلون الموت

صوت (3): قوموا ازعقوا واصرخوا.. قولوا بعزم الصوت ..

كورس (1): هنا انضربنا .. وعلى الحجر ده اترميننا للسما تلهلنا ..

كورس (2): وفوق الخشب ده انصلبنا ..

كورس (3): وفى السرايب دى ضعنا يا واتعذبنا ..

المغنى: خطوا ايديكو ف ايديه أنا مش مسيح الفدا جاى افتدى البشرية ولا كنت وحدى الضحية حطت
طيور الخيانة فوق سطوح الدار ريح الالم إعصار لكن الأمل تضحية خلو ازناد العذاب يقدح شرار
الحقيقة مدوا خطاوى الوطن فوق ضهركو المجلود.. قيدو الشموع العتيقة .. لجلن تشوف الشعوب
على ضيها المهودود كيف فوق ايدين الفيسا الغرقانيين فى الدم بتنطق الكلمة تانى .. وتزهر البندقية
...

ما عاد كلام له عورة ولا شعر باقية له عزوة ولا شعر باقية له عزوه .. املى دوايتك يا شاعر .. من
بحر دم المشاعر .. وطنى رقاب محزورة .. والحق تلزم له قوة ..

وإن كنت صادق حتقدر ساعتين تغنى يا شاعر تخلى كل الحناجر تصبح بنادق خناجر ..

المغنى : وف كل حنة خطاويننا تصحى الأرض وف كل رفة زمن نبني بيوت وجسور يعلا عليها
شجرنا ترف أعلامنا .. بعد الحريق الغابات بتوج بالخضرة واكم تخلف ليالينا عيال شعرا .. ومكان
ما يرحل مغنى يغنى ميت عصفور

كورس (1): خضرنا غيط البرارى عمره ما حيبير

كورس (2): وأدى المصانع بايدنا للأبد حتدور نملى الشوارع ونمشى .. وننزل المنجم طول ما
عروق الذهب والفحم ليها جدور

كورس (3): ونعيش ونرمى الشبك مركب ورا مركب عدد الشطوط ما تلاقى ريح وموج وبحور..

ختام على لحن مصرى

أنا اكتب للشعب .. رغم أنه لا يستطيع أن يقرأ شعرى بعيونه الهلكى .. فستانى اللحظة التى يبلغ فيها
اسماه .. سطر هو الريح التى تزلزل حياتى .. عندئذ سيرفع الفلاح الساذج عينيه وسيبسم عامل
المنجم وهو يكسر الأحجار وسيتمل الصياد الألق النابض . انق السمكة التى ستحرق يديه .. وربما
قالوا جميعا .. لقد كان رفيقا لنا ..!

المغنى: ويا وطنى تدوم للندى سيرتك ودام اسمك يضىوى فى الليالى .. باشوف وردك على خدين
حبيبتى وابوسك لما ابوسها فى خيالى عيالك فرحتى وقمر طفولتى وغيطك لقمة أيامى الخوالى
وانطق غنوتك تتفك ضيقتى واغنى فرحتك تكبر عيالى...

واغرق فى حواريك الفقيرة اشوفها بكرة فى التوب الملالى واشوفها بكرة فى التوب الملالى واشوفك
من ليالى القهر طالع يبرق فى ايديك سيف الهلالى تدوم وتكون لنا وساعة تنادى تلاقينا فى حبك لا
نبالى بقاس الفلاحين نوصل مسيرتك وبالشغيلة نعليك للعلالى ولجل تكون لفقرا الأرض جنة وتبقى
ليه ابويا وتبقى خالى عليك بالسيف وخطى الوقت وقتك ودوس رأس العميل ابن الموالى فى ضى
السيف تشوف السكة واضحة ولا تحتار ما بين حق وضلالى .. وان كنت شاعر وتقدر تبقى للآخر
بالرغم م السجن والمنفى والتجريدة .. والأحكام .. وف عز ليل الظلام الظالم العاى تقدر على الأحلام
..

المغنى: تحدف بعينك وتسامح صبحك الآتى .. وتغنى نفس الأغانى ف ساحة الإعدام .. لازما نشيلك
فى نى القلب اوطانك تحميك بلادك .. وتلقى نفسك فى أولادك الحلم الأبدى اللى استنوه على جمر
النار اجدادك ..

المغنى: وحتفضل أكثر من سبحانك حرية وحتفضل أقوى من جلاذك حتى وانت ف قبرك ذاك
المجهول .. تفضل اغنى منهم .. احلام .. حياة .. يكفيك انك راح يفتكر راعى معيز فى جبال الاند
.. ببلاقى اللقمة بشق النفس وأما بيسهر .. يحكى عنك لأولاده ..

ويغنى بلسانك زى .. غينة حب قديمة لأجداده .. يكفيك انك راح يحلف بيك الفلاح ساعة ما يلّم
بواقى سنابل ..

ارضه الفقرا .. يكفيك انك راح يناديك الملاح .. لما تحاصره فى وسط الإعصار الريح ... يكفيك أن
يسمى عمال النترات .. أولادهم على اسمك .. وان ف كل بيوت الناس اللى معمرها الحب بتونس ليل
المشتاقين .. ساعة ما يبصوا لرسمك .. يكفيك انك لما حتكون الساعة .. وتقوم حتكون غينة على
لسان العمال .. شعارات فوق جدران الكليات .. أناشيد فى طوابير التلاميذ .. يكفيك انك فى كل مظاهرة
معانا هتف .. وف كل مسيرة حتخطب فى الثوار ..

يكفيك .. انك فى كل معار كنا الجاية .. حيسيل دمك ويا دمانا .. على كل المتاريس .. وانك حتكون
موجود فى نهار النصر .. فى كل بلاد الدنيا وف كل الأشعار !

المغنى: ويا بحر ما احناش غلابة .. مع إننا صيادين .. وفلاحين شغالين .. نهشت حياتنا الديابة ..
يا صلب طول السنين .. وجميعتنا العواصف والغربة فى الزنازين .. تدهنا هوج العواصف ابدین
تساند ابدین نحفر سويا الخنادق .. ونشيل سويا البنادق .. علشان فى حرية نبني .. الجنة للشغالين
.. وعشان ولادنا تلاقى ... سمك الأمانى يوماتى .. والسنبلة الذهبية .. لما نفجر صبحنا الآتى ..
بالعدل والحرية !!!

....."

ما كتبهاش أنا وحدى .. لكنه كان ويايا . الشاعر اللى عوينه وشعره كان المرآة .. فى الحزن خفف
أسايا .. فى البرد كان لى غطايا .. فى السجن كان الأمانى . وموته كان .. الهداية ... !"

سمير عبد الباقي ..